

光緒順天府志

671.1402
078
11

臣萬青藜 臣周家楣跪

奏爲設局纂修順天府志仰祈

聖鑒事竊查同治十年十二月直隸總督臣李鴻章恭摺具

奏於保定省城設立志局重修畿輔通志奉

旨允准在案現在通志將次告成必得順天府志纂有專書方能採輯以弁志首查順天府志自前明萬厯癸巳年府尹謝杰等修輯後迄今並未續修文獻無徵曷以信今傳後臣等屢思重輯以順天素無款項經費難籌未敢率行開局茲與督臣商定量欵公費臣等擬擇賃公所作為順天府志局分類纂修期於酌古準今鮮致遺濫延請實學官紳分司纂輯由臣等悉心校閱覈定體裁嚴立限程尅期歲事庶首善之地興除沿革綱舉目張信而有徵足資考

證而畿輔通志亦得早日告竣仰副我

皇上體國經野稽古右文之治所有采訪編輯章程及需用經

費_臣等隨時酌覈籌商辦理謹會同大學士直隸總督_臣

李鴻章恭摺奏

聞伏乞

皇太后

皇上聖鑒謹

奏 光緒五年四月二十四日具奏本日奉

旨知道了欽此

臣畢道遠臣周家楣跪

奏爲順天志書稿本告成現經開雕定限竣事恭摺仰祈

聖鑒事竊照光緒五年四月二十四日由前兼管順天府尹萬

青藜暨府尹臣周家楣會同直隸總督臣李鴻章奏陳設

局纂修順天府志等因一摺奉

旨知道了欽此遵卽設局開辦遴委直隸候補知府任期曼提

調局務嗣經臣家楣以禮去官經歷任兼尹府尹接續辦

理至臣道遠臣家楣同日奉

命任事查核志稿已具十之二三府志凡例本由前兼尹萬青

藜暨臣家楣商請現任兩廣總督張之洞酌定體例門類

並經張之洞允臣家楣於志稿輯齊後爲之畫一訂定所

分門類當經延請內閣中書鮑恩綬翰林院編修繆荃孫

廖廷相朱一新陳翥兵科給事中洪良品掌貴州道監察御史劉恩溥兵部郎中傅雲龍禮部主事詹鴻謨兵部主事潘適國子監學正蔡賡年江蘇候補知縣羊復禮等分任纂修晷度卷則由翰林院庶吉士汪鳳藻兵部郎中席淦司務陳壽田胡玉麟合修旋因張之洞巡撫山西舉編修繆荃孫接替總纂數年以來經各分纂總纂編輯成書計得一百三十卷現在稿本一律告竣自本年二月初一日起開雕限本年七月間竣事事竣再行敬謹奏

聞理合會同大學士直隸總督

臣

李鴻章恭摺具陳伏乞

皇太后

皇上聖鑒謹

奏
光緒十一年三月二十五日具奏本日奉

旨知道了欽此

監修

文華殿大學士直隸總督一等伯爵

臣李鴻章

吏部尙書兼管順天府尹

臣萬青藜

都察院左都御史兼管順天府尹

臣童華

禮部尙書兼管順天府尹

臣畢道遠

湖北巡撫前順天府府尹

臣彭祖賢

江甯布政使司布政使前順天府府尹

臣梁肇煌

雲南巡撫前署順天府府尹

臣張凱嵩

前順天府府尹

臣李朝儀

倉場侍郎前順天府府尹

臣游百川

總裁

署吏部左侍郎通政使司通政使前順天府府尹

臣周家楣

內閣學士兼禮部侍郎銜前順天府府尹 臣沈秉成

順天府府尹 臣薛福辰

總纂

兩廣總督 臣張之洞

翰林院編修 臣繆荃孫

分纂

內閣中書 臣鮑恩綬

翰林院編修 臣廖廷相

翰林院編修 臣陳翥

翰林院編修 臣汪鳳藻

吏部科給事中 臣劉恩溥

戶部科給事中 臣洪良品

陝西道監察御史臣朱一新

禮部主事臣詹鴻謨

兵部郎中臣傅雲龍

兵部郎中臣席淦

兵部主事臣潘遼

國子監學錄臣蔡賡年

候選部寺司務臣胡玉麟

候選部寺司務臣陳壽田

江蘇候補同知臣羊復禮

校訂

翰林院編修臣吳祖椿

刑部主事臣方孝傑

江蘇歲貢生臣管禮耕

江蘇舉人臣屠寄

國子監肄業生臣傅范初

校刻

吏部主事臣仇汝顯

刑部主事臣喬樹相

光祿寺署正臣姚凱元

江蘇附貢生臣李時暘

經理

直隸候補知府臣任期曼

直隸候補知縣臣馮瑋

直隸候補直隸州州判臣吉守善

順天府經歷臣范思本

直隸候補知縣臣張振期

候補選州判臣勞錫田

國史館膳錄臣李棣林

采訪

刑部主事臣周志靖

候選鹽大使臣周志恭

宛平縣丞臣莊佩蘭

直隸候補縣主簿臣戴應泰

繪圖

候選縣丞臣趙宏

序

光緒十一年順天府志成府尹沈君書來問序我

朝因明制順天爲京師而直隸專置總督則兩漢司隸校尉部三輔河南唐京畿採訪使領京兆之遺制也鴻章其敢辭謹按周小史掌邦國之志鄭司農謂爲周志外史掌四方之志鄭注謂若晉之乘魯之春秋王朝之志先於列國舊矣前代志順天者僅有謝杰沈應文之書草創荒畧

皇朝宅京垂三百年文軌大同天下郡縣皆有志而京府尙闕非所以昭首善也今湖北巡撫彭侍郎爲尹時與兼尹德化萬尙書始議創修侍郎遷去今通政使周君莅任與尙書及鴻章 奏明開局凡八年而書成一代之舊式四方之和會可得而述也勃碣之間古爲都會至遼金而後正帝王之名至元明而後成一統之

志元有天下之日淺明則京師已爲近邊故論都者以爲有堂皇而無室奧洪惟我

大清之受命也積

功累

仁縣厯奕世迺

光宅乎中夏遷岐幽作豐鎬開國之遠同符於成周內外蒙古世爲臣僕兩藏通新疆平曩代都護校尉所治一齊以瀟如郡縣吏幅員之長過於建元開元昔之論形勢者以河洛爲天下之中今則當以

京師爲天下之中北度大漠南絕大海東起

龍興之舊都下臨遼瀋而撫屬國西開玉門陽關直達於天山遠數萬里近數千里四維雄張以環擁

京師

京師當南北之中而近於東易繫辭帝出乎震太史公封禪書東方神明之舍而中國之山川皆自西而東猶朝宗而拱極也往者多疑四海之說今則環地數大洲漢唐元所未到者輶軒之使冠帶之倫出自

闕廷如履門闕而環列大小十數國或自達或埒屬皆能通名於上都以爲中國

天子之居仙宸帝所以必得至爲榮異所謂聲教訖於四海也所謂天覆地載莫不尊親也偉矣哉三代以來未有開闢廣遠如斯之盛者也若夫攷其封域則禹貢冀州之都而在昔軒轅氏之所宅也

文謨

武烈

神

聖繼承制度典則燦然大備則周官王制之精意也著臺省之故事采閭里之風俗則立政之篇二南之詩固非衛宏舊儀趙岐決錄所得而擬也

紫宮朱堂鈞臺靈囿神明之觀事實乎上林名正乎甘泉則三輔黃圖洛陽宮殿簿諸書無所侈其靡麗也至於問山川之形勝究土地之所宜松亭之關軍都之塞昔之邊防久爲內地而水利營田轉漕海運磊落數大事昭明乎簡冊則近代二顧之書所爲紀險要而極利病者由今觀之皆陳迹也昔之志京府者獨推有宋乾咸二志南渡偏隅周權具臣豈若今日際

殷武之中興大